

民國新修大埔縣志

目錄

樣本

附預約簡章

大埔縣志修局印行

民國新修大埔縣志凡例

凡

例

近代志乘之有法者大抵可分爲二種一爲文章家之作朝邑武功二志開其先而魯通父之邳州清河繼之一爲考據家之作謝阮廣西廣東二通志創其始而後來作志者多法之章氏實齋復以史法言修志雖間有一二未易行而孤懷闕識近代無兩茲編取法謝阮語皆徵實事詳出處而于魯氏之講求義法章氏之力爭上流亦均有取焉

一志乘編次亦大抵可分二種一以體分表畧錄傳取法史裁一以事類傳表志錄不嫌互回近日江蘇新定通志目錄亦以事類茲編沿用其例取便觀覽不必更泥史裁

一江蘇通志目錄斟酌時宜新舊並重明令屬內各縣修志大致宜依此着手其不需要門類及特殊關係仍許隨時損益而內政部函轉各省則謂不必強其從同茲編以天文一門邑中無甚可紀故併入地理營建興廢宜詳故仍列一門內政等四門及軍備水工縣事不及省事之繁故併爲經政物產農工商藥併爲民生職官宦績有關吏治故仍列一門科目仕宦亦言人物者所必及宋潛說及臨安志進士表即入人物門故附人物凡此皆因事制宜並非立異識者諒之

一舊日志乘天文必語災祥地志修言星野近來明達之士已知闕之矣而里數方向未憑實測山川雜舉不詳脈絡蓋由專家之學未明非盡作者之過歐化輸入學術日新非前人所目覩茲編于此等類不憚改作或加辨正必求正確詳明

一志乘雖僅一地方之述作而承先啓後責任綦重蛻舊嬗新折衷非易茲編于舊制之因革損益新法之選擇推行要在詳其原委俾得知其利弊如教育交通民生人群四門皆前志所未有尤于斯致意而人群中之氏族方言二類氏族不徒紀現在之各族且兼載前此滬涇之各族方言不徒紀今日之語言且推溯古代變化之語言俾知變遷遞嬗之由盛衰洶汰之故考古卽以明今于闕者不無小補焉

一人物一門舊日志乘拘于地志之體豐功偉績潛德幽光皆約束于盈寸之節畧而稱許之間漫無區別文字之體尤不可通或如應酬膚語或如案牘文移泛填排偶之辭間雜帖括之句循名按實開卷茫然(約舉章實齋文史通義語)章氏已盛譏之矣茲編于人物之確有可紀而舊志簡畧者必廣蒐博采務求事實完備且不徒摭拾鉅釘要在融會貫串敘述合法神采如生以資讀者之流連激發其有足爲史書辨正發明者尤不憚求詳至於子弟榮貴表及父兄鄉人請托濫登庸行白茹黃華一望皆同雖未便刪削或量爲歸併或改入

~~~~~ 例 凡 ~~~~~

附表其實爲名流事實無考者止得視此婦女節烈無事實者亦同此例庶稍清耳目藉免  
庸濫

一明代撰述地名官名出身皆喜從古有乖體例茲編所採一律改正又出身紀年于年號之下但稱甲子不標年數遂使閱者茫然莫知何歲考之正史唐宋及明皆無此例欲求古雅反同啞謎茲于所紀甲子俱改爲某年俾一目瞭然不必再勞緝檢

一志乘紀載無徵不信地志引書註明出處宋潛說及臨安志已開此例吾粵黃佐廣州人物傳歐大任百越先賢志于每傳下皆注明據某某書參修其意最善及清代阮元修國史儒林傳遂集各私家碑誌狀傳採錄爲一傳不加點竄徧註出處有同集句之體謝氏修廣西志阮氏修廣東志皆沿其例子所採悉仍原文附注所出處而不作固足矯正庸妄惟於地名官名出身亦復沿原書不改以致有乖義法且亦不免摭拾鉅釘之累陸心源湖州府志雖用阮體間有效黃歐二家融會剪裁不逐段注明出處但於篇末注據某某修或云某書參某書茲編於所採原書不加改竄者(惟地名等不在此例)則末僅注某書而已或有兼採他書亦間逐段注明其融會剪裁者則注據某某參修於述作之意兼重庶免偏執之譏

一吾邑舊志吳忠立志不傳外張變志亦佚僅見洪志藝文所載之六小序及附引一二條宋

嗣京志清學部圖書館目尙存鈔本四卷聞吾邑藏者具闕正同蘭濤志亦有藏者聞體例尙不及洪先燕志洪志亦多蕪雜疎陋錯誤張鴻恩志已云續修乃不自爲書每門攬入洪志之後淆亂已甚茲於宋蘭二志尙未借得所據者僅洪張二志原出洪志者本當注云洪志惟以洪志舊本已非人所易見而實包在張志之內故概注云舊志不更別爲洪張也至胡周二府志則簡云胡志周志阮通志則簡云阮志

一章實齋有言衆衆修書立監置紀尤當考定篇章覆審文字某紀某書編之誰氏某表某傳撰自何人乃使讀者察其臧慝而定其是非庶幾涇渭雖淆滯澗可辨末流之弊猶恃隄防唐宋諸家訖無專錄遂使經生帖括詞賦雕蟲並得嗚呼班馬之堂攘臂汗青之業其於台衆修書不署名之害痛哉言之陸心源歸安縣志于各門後皆目署己名吾師柳介先生修光緒嘉應州志于各門分纂總纂之初輯復輯皆各署名蓋本此意本局諸同人皆一時通才斷不至如章氏所譏然爲負專責及各見所長起見一律署名且願海內之合衆修志者共明此例

大埔縣修志局總纂溫廷敬擬稿

# 民國新修大埔縣志目錄

## 卷首

序 修志職員表 凡例 總目

圖說

## 卷第五

營建志

城池 廳署 費舍

壇廟 寺觀 坊表

## 卷第一

地理志一 沿革 境界

程度(附星野) 氣候

## 卷第六

經政志上 官制 區畫

田賦(附屯田改賦)

徭役 鹽課 雜賦

捐稅 地方收入

## 錄

## 卷第二

地理志二 鄉村上(附戶口井圖)

## 卷第三

地理志三 鄉村下(附戶口井圖)

## 卷第七

經政志下 經費(附地方行政機關)

經費) 倉儲 救恤

兵防 水工 自給

國保 黨務

## 卷第四

地理志四 山川 險隘

勝蹟(附墓墓)

卷第八

教育志

倫學 書院 社學

官學 義學 教育局

教育會 學校(中學小

學女學師範)

社會教育(講約)

鄉飲 報章 宣講所

閱報社 戲劇)

目錄

卷第九

交通志

道路(附涼亭) 津渡

橋樑 航運

郵電(附驛鋪考)

卷第十

民生志上

農田 水利 物產

林業 工藝

貿易(附市集)

卷第十一

民生志下 殖外

卷第十二

人群志一 氏族

卷第十三

人群志二 禮俗

卷第十四

人群志三 方言

卷第十五

人群志四 謠諺

卷第十六

人群志五 公園 宗教(缺)

卷第十七

職官志 職官表(知縣 推檢)

目

錄

- 教諭 訓導 巡檢  
典史附驛丞遞境所  
守備 千總 把總  
名宦傳
- 卷第十八  
人物志一 列傳一（未開邑前人物  
宋 元 明）
- 卷第十九  
人物志二 列傳二（明）
- 卷第二十  
人物志三 列傳三（清上）
- 卷第二十一  
人物志四 列傳四（清下）
- 卷第二十二  
人物志五 列傳五（民國）
- 卷第二十三  
人物志六 列傳六（仕績上）
- 卷第二十四  
人物志七 列傳七（仕績下）
- 卷第二十五  
人物志八 列傳八 儒行
- 卷第二十六  
人物志九 列傳九 文苑（附藝術  
附醫）
- 卷第二十七  
人物志十 列傳十 忠烈（附死難  
義勇） 革命黨人
- 卷第二十八  
人物志十一 列傳十一 耆德（附百齡）
- 卷第二十九



..... 錄 目 .....

- 人物志三 列傳三 孝友 義行
- 卷第三十
- 人物志三 列傳三 列女 方外
- 卷第三十一
- 人物志四 列女表
- 卷第三十二
- 人物志五 藝目表 仕宦表
- 卷第三十三
- 人物志六 封蔭表 壽民表
- 卷第三十四
- 人物志七 游學學位表
- 
- 卷第三十五
- 藝文志 書目
- 卷第三十六
- 金石志 金石
- 卷第三十七
- 大事志上 元 明
- 卷第三十八
- 大事志下 清 民國
- 卷第三十九
- 叙錄

## 民國新修大埔縣志內容舉隅（一）卷第十一

民生志下 殖外

山多田少樹藝無方土地所出不給食用走川生越重洋離鄉背父母以蕪補救未及成童既爲遊子比比皆是吾埔人特別之困苦矣不圖近數年來地方喪亂毆民而流離四方各鄉村竟呈特別蕭條景象回憶十數年前之困苦反如仙鄉樂土嗚呼民生日蹙影響必及於民族此必至之勢再加百年將復不堪設想夫以面積七千餘方里且富饒積之土地地皮地骨皆大利所萃乃廢棄不用坐令貨藏于下人窮于上區區三十萬衆反致不能養活政府固無以對吾民而吾民亦大自暴棄須知鄉邑爲吾人根本異鄉羈旅備嘗艱困實迫不得已欲取得他鄉利益以資挹注而已今吾邑僑外人數幾不亞於在鄉查其所營業務亦多不小今農工學日進若以昔日冒險遠出之精神移其資力返以經營故鄉則大學所謂有人有土有財有財有用不及數年便可實現古人豈我欺哉願邑人同心協力昔之冒險而出者今則冒險而歸終末之外洋不及我新闢之大埔境甚地方不愛寶行見數百年貧瘠之恥一旦消除而仙鄉樂土不難復見矣志殖外將僑居國內外人數營業畧爲調查分別紀載雖多瑣漏足見一斑而善後之策亦我父老兄弟諸姑伯姊所當急起籌畫者矣

國內各地

## 民國新修大埔縣志內容舉隅（二）卷第十九

### 人物志二 列傳二 明

王興字耀輝本姓黃古野人其先世以避仇故改姓王興少好勇尚氣有膂力年十三殺人亡命十五歲道行遇狼手搏殺之輾轉流落恩平好結交豪俠少年遇事精細人號爲繡花針年三十值明季擾亂起兵恩平唐王聿錫至廣州興奉之甚謹惟使人說其襲永明則不應及修養甲李成棟陷廣州唐王弟聿鏐（元功垂範作聿鏐）暨宗室皆往依焉清兵屢攻之不下成棟反正爲明興奉表永曆帝帥部響應永曆帝遣大理卿連城璧齎詔勞興將移其兵度嶺不果詔鎮守陽江賜號虎賁將軍永曆六年尙可喜復陷廣州諸郡悉附興固守不下永曆九年李定國克陽春據陽江城攻恩平興執清知縣王奇應之尋定國敗興退保新寧之文村文村者處鵝山中左聯戈壁右抱大海地接新會開平恩平陽江陽春連廣肇二郡六邑興築城其間去城五六里四面皆瀆田中惟一隄向城敵若遠營山上以礮擊之則遠近不相值欲迫攻之則隄徑峭狹止容兩騎城上歷歷指數以小礮擊之無所避興據此爲固賈鹽鍊冶以通財貨製刀鎗宮室壯麗粟粟充積客至供應甚盛多得其死力滇中之通浙閩者必藉興爲東道主清廷聞而惡之屢責可喜攻勦不能克至是復大會水陸兵攻興入其境曲屈烏道刺竹叢立多陂塘騎不得馳短兵接戰數步一折皆失所長嘗一日興方宴客忽報敵兵四面來攻甚急興躍上馬命客持一觶以待獨出揮長戈兩目如電直取敵首來將生挾以歸顧飲所持

~~~~~ 隅 舉 容 內 ~~~~~

熱酒猶未涼也相持及三月敵騎奔退來時三萬人環僅及其半且多重傷敵將戰死者威登科等二十餘人乃遣使奏捷自間道涉瘴至雲南且貢金帛永曆帝大喜遣爵廣甯伯興以文村一隅堅持逾數年清兵已不得勝利則懸格屢購之終不得要領永曆十三年（順治十五年）戊戌夏可喜以朝旨催貢甚急乃傾部下全力攻之而文村歲薦饑與亦知明祚已盡事不可爲乃命匠搜良材爲巨棺可容十數人者威置綵綉以示全家必死約日出與敵合戰敵怯不敢來於十里外堅壁爲長圍內溝外壘突援無所施凡經三載戰士飯草土袍骨登陣但曰所憂負將軍吾儕視死如歸耳與曰嗚呼共終何益吾固報朝廷深恩汝曹當以宗支爲重時尙可喜幕下客金光者頗崇信義與聞其名使將卒媪罵曰若陳兵百萬亦奚益可傳語汝軍中令金某來則吾出矣敵守陣者以告敵帥置弗問積日媪罵如故金聞之浩然請行呼老兵一跨羸馬爲導至村口與出玩笑曰子何信吾一至此金曰公先吾信我安得不信若乃升堂開宴驩若平生酒半興起揮涕曰吾受明恩德幾者借兵雪故主讎干戈奮揚將士凌替今而天不祚明矣雖然興豈能爲降將軍者耶座上咸於邑不能聲於是金留村中一飲凡三日既而興復舉酒曰吾之所以必乞一客蒞茲土者將以吾明不背故主之誠而非甘於爲孽云也子謹厚且有膽既來吾當踐所說即命其五子（輓詩作九子按金光當時勸帥疏帥僅五

子當得實故從之。出拜洗滌更酌然須裂皆大呼曰興不能同天也亦終必死而已矣死而魂魄有靈藉子以大明虎賁將軍王興之墓作十字碑則幸矣是夜興大集所部與訣別給資使散歸農語已還閉門沐浴更衣與母及其妻侍妾十五人皆盛粧集園東睡上有古梅樹枝白石爲几席興與妻居中十五妾環列拜母畢復相向四拜命斗酒東脯各行一卮屬盡與妻及諸妾先起入室有頃興及母入則妻與妾皆挂梁間矣母大驚呼興曰已矣事至此勿悲乃自服麒麟服冠七梁冠繫玉帶捧靈書置救中上燃雙炬如晝望闕拜曰臣死有餘辜矣釋服入室室中火藥穹窿如山興踏小几自解其妻及諸妾續寘尸火藥端出戶着朝衣捧勅還命家人擁母急出手執連珠礮轟然震發烈燄貫天雞鳴部曲入視則已白骨噴岬矣乃合斂以巨棺葬於三山之陽題其墓門如所囑三日金如教攜其五子出給救印田土戶籍願降者以次赴軍前聽用然大半皆浮海去金曰興能明志自焚固勝朝之忠臣也吾不敢有負死者勸其帥養其母終身且疏請於朝卹其子而於興亦有獎焉清乾隆四十一年追謚烈愍而文村人則稱爲將軍忠烈王建祠崇祀興有姪名茂公文村破復引兵據隔水文廳久之方滅（大埔古野王氏家譜南疆釋史撫瓊西南紀事鹿樵紀聞獨漉堂詩集續明史紀事本末阮志前寧略肇慶府志事紀新會恩平縣志勝朝殉節錄）

案道光間大埔諸生王壽仁所集家譜云吾族古野江夏郡黃氏因有明甲申之變族人繡
花針事改黃爲王後遂以王爲姓矣又云三世永和公妣劉派下住古野三石三洲坑等處
七世孫黃興多才智人稱繡花針前明甲申之變據守陽江新甯等處招義兵奉永曆王及
吾大清師至乃舉家閉門自焚其土人思之築祠奉爲將軍忠烈王吾族懼株連改爲王姓
考南疆繹史撫瓊王興漳州人其先以世勳開鎮海縣駐文村爲藩籬之臣獨德堂王將軍
輓詩不詳籍貫家世然觀其所序必非世族阮頌志前事畧引郡志云王興亂恩平是王興
實起於草澤據瓊所云世勳開鎮事不確其云漳州人亦恐出于傳聞或係潮州之訛不然
則興曾移漳州亦未可知至新會恩平縣志俱謂其爲本縣人蓋由起兵其地卽目爲其縣
人地志積習不足爲怪王氏家譜且鑿鑿言爲其七世孫其譜又鑿於道光之世必非附會
惟謂其因王興事改黃爲王則大謬諸書俱作王興無作黃興者是興於當時已姓王斷無
因懼王興株連反改黃爲王之理度古野黃氏改姓必在先且因他事而改與興案無涉後
人已忘其改姓之由遂誤爲恐興案株連而不知興時已姓王且陽江與大埔爲瓊興決無
自承大埔古野黃族興五子且受興朝之卹斷無株連之理家譜僅據傳聞致年歲亦復謬
誤窮僻書生未能徧考諸書無足怪也據瓊王興傳係本金堡所撰須無子傳須無子卽金

~~~~~ 隅舉容內 ~~~~~

光保本爲光作傳興事不過據金光所述故未能盡確獨漣詩叙其殺敵及死時情節猶詳西南紀事鹿樵紀聞亦大抵相同惟興殉節之年紀事謂爲戊戌紀聞則謂爲乙未明年丙申紀聞固謬紀事亦誤惟續明紀事本末以爲庚子興撫境所云永歷入滇後守踰十一年者合特撫境誤入滇爲入緬遂致抵牾耳

又案續明紀事本末卷十五鄉紳黃春榮義士王興起兵新會得兵萬餘李成棟使招之春榮斬以徇尋敗死興亦死以爲此別一王興是否有二王興抑一王興而當時誤傳其死耶新會志則以爲一人謂興爲新會水南人斥四朝成仁錄作恩平人爲誤然興在恩平事實具在新會志已以新會之王興卽文村之王興而又沒其恩平之事實則未免抵牾矣新會志所據獨漣詩成仁錄外復自金光元功垂範林瑤金隱君傳元功垂範謂興擁立唐王聿鐸興沒聿鐸亦吞腦子死光言當不謬或以永歷遺隔滇南興本奉唐王聿鐸者故復擁立其弟歟志又言興葬番禺南箕村番禺縣志載其禍曰皇明虎賁將軍縣伯雷輝王公偕同節元配張氏一品夫人暨十五庶夫人之墓大清一統志阮通志俱採之附錄於此以備慕興者之尋訪云

## 民國新修大埔縣志內容舉隅（三）卷第二十一

### 人物志四 列傳四 續下

何如璋字子峨，瓊坑人。父宏光，號淑齋。事母孝，常深夜微聞咳，立披衣起，趨護門，問所須，不命之退，不怠寒暑，無所間。友愛諸弟，終身如一。如璋少岐嶷，年十三，父以家累故，令棄學牧牛。如璋輒攜書自讀，姑父陳兆馨嘉其志，招令從學，得其指授。與鏡進族人何堪源尤，僅異之，謂異日名位必出己上。未冠，入邑庠，補廩。生咸豐十一年，舉於鄉。同治四年，汀守朱以鑑聘，襄戎幕，叙克城功，保五品銜。知縣七年，成進士，改庶吉士，散館授職，編修。當是時，東南巨亂，初平舉國，謳頌中興，而泰西諸國已環列虎視，通商傳教，輒起釁端。士夫迷習帖括，其高者則標漢學，宋學之幟，或治詩古文詞，僅別金石書畫，以相誇誇，其目為清流者，亦徒張客氣，憚於外情，聞洋務二字，則掩耳却走，或詆為漢奸。如璋雖夙治桐城古文之學，推曾國藩為有清古文第一，而知世變已亟，非拘常習故者所可拯救。未幾，禍公車往來津滬，所至與中外士商游，間詢訪英美牧師，得其國情及政術，大概已入詞館。尤究心當世之務，與其弟兵部主事同璋互相切磋，嘗謁直督李鴻章，一見大異之，退語人曰：「不圖翰林館中亦有通曉洋務者也。」光緒乙亥，聖宗御極，鴻章與樞臣沈桂芬交疏，以使才荐丙子晉侍講，加二品頂戴，充出使日本大臣。以張斯桂為其副，尋命張歸國，而以如璋留駐中國使臣之駐日本者。實自如璋始。如璋已至日本，日人優禮倍至，加於泰西諸使，其朝野名士咸以詩文相質，正唱和，或就乞書，得其一屏一



筵以爲珍玩如璋亦與交驩無間居東凡四年日人翕然推之任滿歸公私祖別之盛一時所未有也如璋雖爲邦交而尤爭國權始至即議設領事自聽商民訴訟日人靳不肯予如璋據約與爭卒設三口領事官與泰西各國及日人之在我國者均權琉球事起如璋援公法據條約與爭不得則請撤使罷市以持之執政者噤不敢語日人知力爭僅如璋一人故意延宕然終屈于抗議議割琉球之南部宮古八重諸島隸中國如璋請以環球立後存其祀而球王畏日迫不敢受請先聲明內屬一面訪球王親屬昇以治權待如土司政府迄遷延不決及如璋歸國而琉球遂夷爲日本之沖繩縣即南島亦未得歸中國也吾國與泰西諸國立約當事者昧于利害許以一體均沾之優待及中日訂約始刪此語日人不慊之遺專使北京要政府加入并許其內地通商如璋以均沾之約由威迫勢利而來在亞細亞成一合縱連橫之局曠爲厲階日人牟利之術無微不至若許其內地經營小民錐刀將盡被奪日使之請乃不行朝鮮介居中俄日三國間關係亞東大局甚於歐洲之土耳其如璋稔知其君臣庸弱無振奮之能乃陳三策於政府乘朝鮮有事舉而還縣之改良其政治整飭其武備是爲上策設駐劄辦事大臣主持其內政外交之重大者以防覬覦是爲中策聽朝鮮自與外國通商但於約端聲明奉大清國命云云備有事時干預之地步是爲下策上策非非常之人不能行中策則杜後患待藩屬之道適得其中固吾國當時所能乃并下策而不能行滋可惜也其時俄已據圖們江

(張 另 附)

~~~~~ 預約簡章 ~~~~~

民國新修大埔縣志預約簡章

- (一) 本縣志計二十九卷都八十餘萬言一千三百餘頁用六開上等毛邊紙二號新仿宋字排印分裝二十一冊每部定價國幣一十五元
- (二) 本縣志預約者以本縣人民及本國公私立圖書館及學校爲限
- (三) 本縣志預約期限自發售之日起至民國二十六年七月卅一日截止外省延長兩個月
- (四) 本縣志預約價國幣一十元一次付清
- (五) 本縣志除在汕向本局自取者外國內共收郵遞包裝費國幣一元在預約時一併付清
- (六) 本縣志定本年十月底出書汕頭市內憑預約憑單交付外埠由本局交郵局掛號寄奉
(定戶住址如有變更應隨時通知原定書處如不通知或通知過遲而書已寄發不負追查之責)
- (七) 預約者請填用後附定單

預約處
汕頭火車站馬路五號
大埔縣修志局

國民新修大埔縣志

預約通知書

| 尊戶姓名 | 定購部數 | 預約書價 | 郵遞包紮費 | 上兩項共計 | 詳細地址 |
|--|------|------|-------|-------|------|
| | | 國幣 | 國幣 | 國幣 | |
| | 部 | 元 | 元 | 元 | |
| <p>茲將上列書價及郵遞包紮費交寄上</p> <p>統祈查收隨將預約均憑</p> <p>單照後開地址交</p> <p>郵局掛號寄交</p> <p>收爲荷</p> <p>此致</p> <p>大埔縣修志局</p> <p>二十六年 月 日 具</p> | | | | | |

注意：通信地 務請用楷書詳細開明以免誤遞

總辦 劉碧根

會辦 郭概如

蕭惠南

總纂 溫廷敬

分纂 丘星五

范貞士

錢熱儲

顧問 李谷僧

鄭袞臣

大埔縣修志局纂修

發行處 大埔縣修志局

汕頭火車頭馬路五號

承印人 汕頭印務鑄字局

汕頭萬安一橫街三號

自動電話一三八二號

民國新修大埔縣志

預約三個月
七月底截止

大埔鄉村學校及民衆不可不購備

國內各公立圖書館不可不購備